

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 448047 23 St
Tuzla, 04.12.2023.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom "ORANICA" d.o.o. za proizvodnju, trgovinu i usluge Lukavac, ul. Mehe Tubića bb, nakon provedenog prethodnog stečajnog postupka donio je dana 04.12.2023.godine slijedeće:

R J E Š E N J E

OTVARA SE stečajni postupak nad imovinom dužnika "ORANICA" d.o.o. za proizvodnju, trgovinu i usluge Lukavac, ul. Mehe Tubića bb, MBS:1-8960, JIB:4209044020000, račun broj: 1321200309384796, otvoren kod NLB Banke d.d.

Za stečajnog upravnika imenuje se Nedret Kikanović iz Tuzle, ul. Aleja Alije Izetbegovića br. 25.

ZAKLJUČUJE SE stečajni postupak nad imovinom dužnika "ORANICA" d.o.o. za proizvodnju, trgovinu i usluge Lukavac, ul. Mehe Tubića bb, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 448047 23 St od 14.08.2023.godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva dužnika "ORANICA" d.o.o. za proizvodnju, trgovinu i usluge Lukavac, ul. Mehe Tubića bb a za privremenog stečajnog upravnika imenovan je Nedret Kikanović iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravitelj dostavio je izvještaj o provedenom prethodnom postupku ovom sudu dana 04.10.2023.godine Iz izvještaja stečajnog upravnika proizilazi da navedeno privredno društvo prema izjavi ovlaštenog zastupnika ne posluje od 2009.godine. Društvo nema zaposlenika, niti pokretne i nepokretne imovine. Računi društva u poslovnim bankama su blokirani ili ugašeni, a društvo ima obaveze prema Poreznoj upravi FBiH, KPU Tuzla BIH, RC Tuzla po osnovu poreza i doprinosa. Privremeni stečajni upravitelj je utvrdio da postoji stečajni razlog za otvaranje stečajnog postupka predviđen članom 6. stav 2. i članom 102. Zakona o stečaju, kao i da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 20.10.2023.godine pozvao predlagача, povjeriоce i sva zainteresована lica da u roku od 30 dana od dana objavljivanja poziva u službenim novinama uplate iznos od 3.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagач, povjeriоci i sva zainteresована lica objavljeno je u Službenim novinama F BiH broj 84/23 dana 01.11.2023.godine, oglasnoj tabli suda dana 23.10.2023. godine i na web stranici suda.

Obzirom da u ostavljenom roku koji je propisan zakonom povjeriоci ili neko od zainteresованиh lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija

Antonela Đaković

POUKA O PRAVNOM LIJEKU:

Protiv ovog rješenja stečajni povjeriоci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.